

Feihyiz Gaep Guekgya:

Heiqvwnzcangz Guengjsae

□ Daenggingh cingjeix



▲ “Naenghciegq” heiqvwnzcangz Guengjsae.

◀ Gij siengq cingq yienj heiqvwnzcangz Guengjsae.



▲ Bouxyienj mizmingz Cinz Siufwnh yienj (Cinz-guh Gvaep Ruz).

Heiqvwnzcangz Guengjsae gangj dinj couh dwg vwnzcangz, dwg cungj yisuz cojcienz ciengq ndwi, youq Guengjsae rangh dieg gangj Vah-gveibwzgvanhva cienzlah, daegbied dwg youq Gveilinz、Liujcouh、Libuj daengj cienzlah ceiq lai; de dwg Guengjsae cungj heiq ceiq miz daibyausjng caeuq ceiq miz yingj-yangj haenx.

Heiqvwnzcangz Guengjsae au ciengq guhdaeuz, cab miz vahgangj. Heiqvwnzcangz baenzlawz yienj? Miz cungj ndeu lai boux yienj heuhguh “naengh ciengq”, caemhcaiq dwk yozgi; miz cungj ndeu heuhguh “soengz ciengq”, au ciengq guh-

daeuz, boudog gag ciengq, lij miz cungj ndeu heuhguh “byaij ciengq”, doq ciengq doq yienj. Linghvaih, lij miz cungj ndeu heuhguh “heiqvwnzcangz”, daenj ndangdaenjheiq yienj-ciengq. 20 sigij 50、60 nienzdaih, heiqvwnzcangz haeuj ndaw giyen hwnj gwnz daizheiq le, biujyienj seiz soengz ciengq au, couh dwg bouxyienjciengq ndeu fwngz gaem gaiq-yinzbanj roxnaeuz aen dieb ndeu gag doq roq doq ciengq, lij au yozdui iq buenx ciengq; lij miz cungj ndeu heuhguh “byaij ciengq”, ciengqgo caeuq diuqfoux doxgap.

Doenghgij vah ciengq cojcienz ndaw heiqvwnzcangz Guengjsae haenx lai dangqmaz, ndawde gangj gij saeh gojgaeq dingzlai ok doenghgij sawcuenh gangj gojgaeq geizheih sij youq Ciuhmimgz Ciuhcinh haenx daeuj. Doenghgij sawciengq baenzdauq haenx miz 《Geiq Saeh Fagcam Nyawh》《Goj Cienz Ngwzhau》《Geiq Saeh Bizbaz》《Geiq Saeh Sihsiengh》《Loqsiengj Laeuzhoengz》daengj cozbij, gya hwnj doenghgij bonj sawciengq dog 《Song Boux Caez Roengz Bya》《Vangzboz Vet Gaeq》《Dunghfangh Soz Baiqsouh》daengj gungh miz 60 aen baedauq. Cozbij

duenh dog ndeu miz 《Vujw Cunz Beix》《Laeufiz Hoenx Doubya》《Gveifeih Laeufjeiz》daengj gyawj 100 aen. Cozbij moq miz 《Hanz Yingh Raen Daxmeh》《Gyanghcej Haeuj Bya》《Dahlizgyangh Cingz Laeg》《Youz Ndaw Veh》《Diegsien Baenzlawz Beij Hwnj Gveilinz Gou》《Haemh Youz Cizsingh》daengj.

Heiqvwnzcangz Guengjsae mizok doxdaeuj miz le haujlai canghciegq, lumj Lij Swjcungh、Ginh Swjcinz、Vangz Yinzhoz、Liuz Yyingh、Hoz Hungzyi、Cinz Siufwnh、Yangz Gifuz、Lij Veijginz daengj.

Heiqvwnzcangz Guengjsae miz byaraemx Gveilinz gyaundeib buenx le, baengh doenghgij yisuz maezvunz cojcienz haenx, au neiyungz moq caeuq yienghsienq moq, baijok youq gwnz daizheiq vwnzyi.

Heiqvwnzcangz Guengjsae dwg Guengjsae cungj feihvuzciz vwnzva yizcanj gig dijbau haenx, 2006 nienz ndaej liedhaeuj Guengjsae feihvuzciz vwnzva yizcanj mingzloeg. 2008 nienz 6 nyied 7 hauh, ginggvaq Gozvuyen baecinj, heiqvwnzcangz Guengjsae ndaej liedhaeuj daihngeih buek guekgya gaep feihvuzciz vwnzva yizcanj mingzloeg.



▲ Bouxyienj heiqvwnzcangz Guengjsae haeusim biujyienj.



▲ Cinz Siufwnh、Cuhgwz Ci yienj《Vujniengz Bae Ging》.



▲ Cinz Siufwn roq deb guhyiengh yienj.



▲ Cinz Siufwnh gangj cihsiz heiqvwnzcangz Guengjsae hawj siujhagseng.



▲ Bouxswncienz heiqvwnzcangz Guengjsae Hoz Hungzyi daengz hagdangz cienmonz hwnjdangz.



▲ Hoz Hungzyi son haesene cienga vwnzcangz.